

# چند علیہ

مکتبہ جدیدہ اسلامیہ ننگر حیدرہ رستمیہ سید

شوال سنہ ۱۳۳۹

مجلس مشایخ نظامنامه سنک ایکنجی فصلنک وظیفه و صلاحیتہ دائر  
موادی حقیدہ انجمن علمینک اشتغال ایدہ جکی مسائل جمله سندن  
تسوید ایدیلان مقاله در

- ۶۵ نجی نسخه دن مابعد -

مقاله سابقه ده بیان ایدلیدی و جهله باجمله طرق علیہ نک اساسی نجی اکرم صلی الله علیه  
وسلم افندیز حضرت تلرینک جناب صدیق اعظم ایلہ حضرت علی (رضی الله عنہما) یہ وقوع  
بولان تلقین اوزرینہ مبتنی و جهله سی اصحاب (صفہ) یہ مشابہ و مقتفی در .

دین جلیلمزده ادیان منسوخہ دن بولنان عبادات و فروعانہ بکزرہ بن احکام ، اوادیان دن  
النش و اونلرہ تشبیه و یا تشبہ قصد ایدلمش اولمدینی کبی صوفیہ کرام حضرت انک تناسخ ،  
حلول ، اتحاد کبی مذاہب باطلہ دن ازاده و منزہ اولہ رق قائل اولدقلری وحدت وجود کبی  
بعض مسائلک و تصوف مسائلک حکمای یونانیہ و قدمای فلاسفہ ہندیہ نک قائل بولندقلری  
بعض افکار و اعتقادات دن اخذی ایلہ بر شکل طریقت ویرلدیکی قطعاً وارد اولہ ماز .

اصحاب حدیث نبوی و ارباب ارشاد طریق مصطفوی اتفاق و اجماع ایتشلردر کہ اصحاب  
رسول اللہ دن بر جماعت محترمه تلقی علوم و اخذ فیض مقصدیلہ ملازم عتبہ مسجد رسول الله  
و مداوم عبادۃ الله اولوب اغراض دنیویہ دن اغراض ایتشلر در مشارالہم حققرندہ حق  
سبحانہ و تعالی حیب اکر منہ انزال وحی ایلہ « ولا تطرد الّٰلّٰہین یدعون ربہم بالغداۃ والعشی » دیہ  
صدق و صفا و عہد و فالرینی بیان بیورمشدر .

ابن عباس (رضی الله عنہما) روایت بیورسورلر کہ « وقف رسول الله صلی الله علیه وسلم  
عند اصحاب الصفة فرأى فقرهم وجهدهم وطيب قلوبهم فقال ابشروا يا اصحاب الصفة فمن بقى من  
امتى على النعت الذى اتم عليه راضياً بما فيه فانه من رفقاءى فى الجنة » حضرت طلحہ رضی الله  
عنہ دن مرویدر کہ « اذا کان رجل قدم المدينۃ ان کان لہ فیہا عریف نزل علی عریفہ وان لم یکن  
فیہا عریف نزل علی اصحاب الصفة » ابوالحسن علی بن عثمان بن علی الجلابی الغزنوی حضرت تلری  
کشف المحجوب کتابندہ : بلال بن رباح الحبشی ، ابو عبد الله بن مسعود ، سلمان الفارسی ،  
ابوعبیدہ عامر بن عبد الله بن جراح ، ابو مسعود عبد الله بن مسعود الہزلی ، ابوالیقظان ، عمار بن  
یاسر ، عتبہ بن مسعود ، مقداد ابن اسود ، خباب بن الارت ، صہیب بن السنان ، برادر

حضرت فاروق زید بن الخطاب افندی حضرت تلمیذ کوله سی ابو کبشه کبی ذوات عالیشان  
احباب صغه عددانده ذکر ایتیمکده در .

### تصوف

ترك الدعوى و كتمان المعنى: ذوق تفضیل فی معالم الانسانیة ویتلاشی علائم النفسانیة:  
اسقاط رؤیة الخلق ظاهراً و باطناً: الخروج عن كل خلق دنی والدخول فی كل خلق سنی  
كبی الفاظ مختلفه ايله تعریف ایدیلر سده بالكلیه توجه الى الله دن عبارتدر .

### صوفی

عشق و محبتي ، زهد و فقر و معرفتي نفسنده جمع ایدن كسه در نتم اعظم صوفیه دن  
حضرت روم تصوف خصال ثلثه اوزره مبتیدر كه فقر و افتقاره تمسك ، برایش ارایله تحقیق ،  
اختیار و اعتراضی تركدن عبارتدر بیور مشدر .

### فقر

عدم الاملاك والخروج عن احكام الصفات كه: عدم املاك فقر صوری یه احكام صفات  
بشریه دن خروج ايله كندونی برشیه مالك كور میوب فانی عدی فقر معنوی یه دیر لر .

### بیت

درویش کسی بود كه نامش نبود

اندر دو جهان مراد و كاش نبود

طریقت علیه

عقائد حقّه اسلامیة ايله معتقد و احكام شرعیة ايله عامل اوله رق برشیخ كاملك ارشاد  
و تربیه صوری و روحانیة سیله مراتب و منازل و مقامات معنویده ترقی و تکمله سائق  
صوفیه نك برسیرت مخصوصه سیدر .

ضمن صوفیه نك مسلكی بر مرشد كاملك ید صحیحه سنی دوتوب انابه ایدرك تلقین  
ذكر اولند قدن صكره تعریفات و تربیه سیله سیرسلوك ایدرك مراتب و منازل و مقامات  
معنویة یی قطع ایتیمكدر منبع و مأخذی اساس و غایه سی بر اولوب انحق بعض اهل اللهك  
سبب فتوح و باعث تجلیاتی اولان اسمای اخوانه ورد و وظیفه اتخاذ ایتیدر مسمی و سیرسلوكده  
تصادف ایتیدکی منازل و شؤوناتی تعریف ایلسم اعتباریله تشعب ایتش و اوذاته اضافله یاد  
ایدلمش سیدر . یعنی نقشبندی ، رفاعی ، قادری ، مولوی ، و سائر اضافی ناملر او بولده  
حدوث ایلشدر .

### مرشد کامل

عقائد حقه اسلامیه ایلہ معتقد واحکام شرعیہ ایلہ عامل ظاهراً و باطناً رزائل نفسیه دن آزاده سنت سنیه واداب و اخلاق محمدیه ایلہ متأدب و متخلق و ارشاد امامه مأمور برذات کالات صفاتدر .

### ید صحیحہ

بر شیخک شیخک الی دو توب اوندن تلقین ذکر و تعلم طریقت ایدلسی و شیخکده شیخکده تا منبع فیوضات و مظهر تجلیات اولان حضرت خاتم الانبیاء علیه افضل التحیات اقدیمزه قدر بلا انقطاع اتصال ایتسیدر و بوکا سلسله دخی تسمیه ایدیلور .

### انابه

بر مرشد کامله تسلیم اولهرق تصحیح اعتقاد و هر بر کناهدن توبه ایدرک قولاً و فعلاً جناب حق رضاسی خلافتده بولنیه جفتی کتاب و سنتله عامل اولوب تعریف ایدلدیکی وجهله عبادت و اوراد شریفه سنه دوام و سیر سلوک اکالنه اهتمام ایدم جکتی عهد و پیمان ایتمکدر .

### تلقین ذکر

خاص و عامدر . عامی بر رسالکدن فضلہ سنه تلقین ایتمکدرکه حضرت فخر کاشات افندیمرک بر چوق صحابه کرامه بردن تلقین بیوردینی روایتہ مستنددر . ( اخرج الحاكم فی المستدرک عن اوس بن سداد بن اوس و عبادۃ بن الصامت حاضر یصدقہ قال کنا عند رسول الله صلى الله عليه وسلم اذ قال هل فيکم غریب یعنی اهل کتاب فقلنا لا یا رسول الله فامر بغلق الباب فقال ارفعوا ایدیکم فقولوا ( لا اله الا الله ) فرفعنا ایدینا ساعة ثم قال رسول الله صلى الله عليه وسلم الحمد لله اللهم انک بعثتني بهذه الکلمة و امرتني بها و وعتني علیها الجنة انک لا تخلف الميعاد ثم قال ابشروا ان الله قد غفر لکم .

و خاصی یالکمز برسالکه تلقین ایتمکدر . زیرا حبیب خدا علیه اکمل التحایا افندیمر اداى مشرکیندن مدینه منورهیه هجرتله امر اولندقدمه مکهمکرمه جوارنده زیارتکاه حجاج ذوی الابهاج اولان غار معروفده ابوبکر الصدیق رضی الله عنه جضر تلرینه ذکر قلبی زانو نشین اولهرق مبارک کوزلرینی غامض اولدقلری حالده اوچ کره تلقین بیوردقلری کبی حضرت علی رضی الله عنه افندیمرده ذکر جهری بی تلقین بیورمشلردر .